

萬有文庫

第一集一千種

王雲五主編

尚書古今文注疏

(四)

孫星衍著

商務印書館發行

疏注文古今書尚

(四)

著術星孫

書叢本基學國

萬有文庫

第一集一冊

總編纂者

王雲五

商務印書館發行

編主五雲王
庫文有萬

種千一集一第

疏注文古今書尚

冊 四

著衍星孫

路山寶海上
館書印務商 者刷印兼行發

埠各及海上
館書印務商 所行發

版初月十年八十國民華中

究必印翻權作著有書此

The Complete Library

Edited by

Y. W. WONG

SHANG SHU CHIN KU WEN CHU SHU

By

SUN SING YEN

THE COMMERCIAL PRESS, LTD.

Shanghai, China

1929

All Rights Reserved

尚書今古文注疏

卷二十三

多方第二十三 周書十四

疏

此篇書序列在無逸君囑之後。前尚有成王征將薄姑二佚篇。史記周本紀。召誥洛誥多士無佚及此多方。俱在周公行政七年。成王長。周公反政之後。與伐誅管蔡非一時事。大傳則云。周公攝政一年救亂。二年克殷。三年踐奄。四年建侯衛。五年營成周。六年制禮作樂。七年致政于成王。則此是攝政三年事。當在召誥洛誥諸篇之前。故書序疏引鄭注云。此伐淮夷與踐奄。是攝政三年伐管蔡時事。其編篇于此未聞。案古今文說。書本不同。史公問故。孔安國又與書序編篇之次相合。未可非也。又考大傳云。管叔疑周公。流言於國曰。公將不利于王。奄君薄姑謂祿父曰。武王已死矣。成王幼。周公見疑矣。此世之將亂也。請舉事。然後祿父及三監叛。周公以成王之命殺祿父。時此不言誅奄君。周本紀亦止云誅武庚。管叔。放蔡叔。蒙恬傳則云。成王能治國。有言賊臣周公旦欲爲亂久矣。王者不備。必有大事。王乃大怒。周公旦走而奔於楚。又云殺言之者。而反周公旦。此賊臣流言。在成王能治國之後。是反政後。謂周公與管蔡流言。俱非一時事。蓋即奄君也。奄君先導管蔡流言。或未聞於朝。故爲誅戮所不及。此時見周公反政。又進謗言。成王悟而誅之。疑卽此時踐奄也。蒙恬親見百篇之書。說當不謬。伏生亦見全書。而大傳則夏侯歐陽所記。或不必出自伏生耳。

惟五月丁亥。王來自奄。至于宗周。

疏

鄭康成曰。奄國在淮夷之旁。周公居攝之時亦叛。王

與周公征之三年滅之自此而來歸

疏此五月史公以爲在七年反政之後大傳以爲在攝政三年不能推其甲子也王來自奄據多士云昔朕來自奄此篇應與多士相連在前故鄭疑其編篇於此也

宗周者詩正月云赫赫宗周傳云宗周鎬京也周之東遷無復西都亦名東都王城爲宗周此時宗周實鎬京也周官序云還歸在豐成王是時常居豐去鎬京二十五里然則至鎬諸庶邦後仍歸豐也鄭注見詩幽譜疏云奄國在淮夷之旁者在魯見上多士疏云周公居攝之時亦叛者用大傳說詩破斧云周公東征四國是皇傳云管蔡商奄也亦以伐奄爲攝政時事與史記不同

周公曰王若曰猷告爾四國多方

疏王氏鳴盛引書疏王

竊曰周公攝政稱成王命以告及還政稱王曰嫌自成王辭故加周公以明之王肅以多方作在歸政後則僞傳謂再叛再征與王肅合或皇甫謐依仿肅注爲之然再叛之事無據惟此周公曰王若曰之文蓋大誥王若曰鄭謂王卽周公今此以周公冠成王之上與攝政前之大誥異與歸政後之多士同謂周公在軍中故假王自重此凱還作誥當稱王命而其詞實出周公故書法如此案王肅雖亂經之人此說多方在周公反政後實本于史記未爲無據王氏所言在軍中及凱旋書法不同之說亦未必然也猷與縣通釋言云道也猷告猶言告道大誥云猷大誥爾多邦馬氏作大誥縣爾多邦

惟爾殷侯尹民我惟大降爾命爾罔不知

疏釋言云殷中也尹正也降下也命者詩箋云猶

教令也多士云昔朕來自奄予大降爾四國民命卽謂此我惟大降爾命也言汝中更諸侯之正治民者我惟天下汝教令汝應無不知之矣僞傳以大降爾命謂誅紂失之遠矣

洪惟圖天之命弗永寅念

于祀

疏洪惟當如大誥洪惟蓋洪亦爲代也上文言周公曰王若曰是代王出語實者釋言云敬也圖天命謂圖度天命弗永念于祀卽下文不克永于多享及不集于享惟我周王克堪用德惟典與神天也

惟帝降格

于夏有夏誕厥逸不肯感言于民乃大淫昏不克終日勸于帝之迪

疏迪馬融

作攸日所也

疏

降下見上疏格與假通釋言云陞也言惟帝陞降於中夏之人卽洪範云陰隲下民也述者釋言云過也又與佚通廣雅釋詁云勅戲也釋言云勅豫也懋者詩傳云憂也迪者與筮聲相近說文云筮長也言有夏大其逸

豫不肯有憂惑之言及于民。乃大淫泆昏亂。不能有一日勸勉于帝之長言。如不終日也。屬注見釋文。迪作攸者。字從由。聲與攸相近。云所者。釋言文。乃爾攸聞。厥圖帝之命。不克開于

民之麗。乃大降罰。崇亂有夏。附刑習注。杜子春讀麗爲羅。疏云。羅則入羅網。當在刑書。呂刑云。越茲麗刑。又

云。苗民匪察于獄之麗是也。崇者。詩傳云。終也。言有夏淫昏之事。乃汝所聞。其君桀罔度。帝命不知天之愛民。不能開釋于民之麗於羅網者。乃大下誅罰。終亂夏邑。僞傳以麗爲施。云施政教失之。因甲于內亂。鄭康

成曰。習爲鳥獸之行。于內爲內亂。不克靈承于旅。甲者。釋言云。狎也。內亂者。桀壁有施氏女妹喜。靈者。詩箋云。善也。承者。詩傳云。正也。旅者。釋詁云。衆也。言桀因習於

好內以亂政。不能以善正治。此衆民。鄭注見書疏。云。鄭王皆以甲爲狎。故鄭釋甲爲習也。說文云。狎。犬可習也。云鳥獸行者。周禮大司馬云。外內亂。鳥獸行。則滅之。注引王霸記曰。俘人倫外內。無有異于禽獸是也。罔不惟進之

恭。洪舒于民。亦惟有夏之民。叨憤日欽。剗割夏邑。罔不者。釋言云。罔。無也。不與不通。進者。史記呂不韋

傳云。進用不餓。案隱引小顏云。財也。漢書高帝紀云。蕭何主進。注師古曰。進字本作資。恭與共通。釋詁云。具也。舒者。困學記聞曰。古文作茶。此宋次道家古文。考工記注云。茶。古文舒。叨。說文作𠂔。云。食也。重文作叨。又𠂔。忿展也。引周書此文云。讀與學同。欽與厥通。釋詁云。與也。剗與害通。夏邑者。夏之京邑。見前疏。言桀貪無不以財進來共職。大爲荼毒於民。亦惟夏民舍展日興。謂上有

好者下必甚也。殘害夏邑。如湯誓所云。率割夏邑。呂氏春秋慎大篇云。桀爲無道。暴戾頑貪。天下顛恐而患之是也。天惟時

求民主。乃大降顯休命于成湯。刑殄有夏。惟天不畀純。乃惟以爾多方之義民。

不克永于多享。惟夏之恭多士。大不克明保享于民。乃胥惟虐于民。至于百爲。

大不克開

疏

顯者釋詁云代也。刑者說文云罰。舉也。殄者釋詁云絕也。昇者詩傳云與也。純者方言云好也。樊殺修華獻碑云天惟醇佑萬國純與醇聲相近。謂天不與以美報也。義民者江氏聲云猶民儀謂賢者大謫民獻大傳作民儀是也。恭同共明勉保安見上疏胥者釋詁云皆也。言天惟是求民之主乃大下代受美命于成湯謂絕夏桀惟天不與夏以美報矣乃惟以汝多方之賢民不克長享祿位惟夏之共職多士大不能勉安其享此當絕句又言桀于民乃皆惟暴虐于民至于所爲百事大不能開釋于罪者

言桀不能用賢慎罰也

乃惟成湯克以爾多方簡代夏作民主慎厥麗乃勸厥民刑用

勸

疏

簡同開釋詁代也言惟或湯能以汝多方代夏爲民之主慎其麗於罪者乃所以勸勉其民刑罰其有罪者亦用勸勉其民也經既云簡又云代疑後人增代字或簡訓大也

以至于帝乙罔不明

德慎罰亦克用勸要囚殄戮多罪亦克用勸開釋無辜亦克用勸

疏明德慎罰要囚俱見康誥疏勸

者廣雅釋詁云教也帝乙謂七世王之王祖乙也

今至于爾辟弗克以爾多方享天之命

疏言至于汝君紂不能以多方享大命也

烏呼王

若曰誥告爾多方非天庸釋有夏非天庸釋有殷乃惟爾辟以爾多方大淫圖

天之命屑有辭

疏

釋者韋昭注晉語云舍也淫者高誘注呂氏春秋云過也屑有辭多士作洪有辭馬氏云屑過也玉篇云屑碎也楊倞注荀子云屑雜碎衆多之貌辭者說文云訟也言王今告汝多方非天之捨夏殷也乃

惟汝君以汝多方大過圖度天命謂我生不有命在天有罪狀衆多以致滅亡

乃惟有夏圖厥政不集于享天降時喪有邦間之乃惟

爾商後王逸厥逸圖厥政不蠲烝

疏

馬融曰蠲明也烝升也天惟降時喪**疏**集者詩傳云就也問者釋

詰云代也。獨者詩傳云繫也。燕者廣雅釋詰云美也。言惟夏王圖度其政不就于享天下是喪亡之咎。使有國諸侯代之。又惟汝後王紂過其佚豫謀其政不繫不美。天惟下是喪亡之咎。馬注見釋文云。獨明者釋言文。燕升者韋昭注周語同也。言無明德升聞於天。

惟聖罔念作狂。惟狂克念作聖。

疏 中論法象篇云。鑒其威儀。恍其瞻視。忽其辭令。下引此文。大傳云。貌之不善。是謂不省厥眚。狂又云思之不容。是謂不聖。鄭注云。君貌不恭。則是不

能敬其事也。君臣不敬。則僭慢如狂矣。又云容當爲睿。睿通也。心明曰聖。孔子說休徵曰。聖者通也。兼四而明。則所謂聖。聖者包天貌言視聽而載之以思。心者通以待之。君思心不通。則是不能心明其事也。言惟通明者。無念則慢僭矣。慢僭者能念則通明矣。天

惟五年。須暇之子孫。**注** 鄭康成曰。夏之言假。天凱紂能改。故待暇其終至五年。欲使復傳子孫。

五年者。文王八年。至十三年。假一作夏之子孫。一作湯之子孫。

疏 須者釋詰云待也。說文作須。假與夏通。大傳云。夏者假也。釋名云。寬假萬物。使生長也。又

與暇通。方言云。秦晉之間。凡物壯大而愛偉之謂之夏。馬鄭之間。謂之暇。隸釋。成陽靈臺碑。日機不夏。即日仄不暇也。詩武疏。引此經。作天維五年。須暇湯之子孫。多湯字。思文疏。引鄭注。大誓云。禮說曰。天意若曰。須紂五年。乃可誅之。詩皇矣疏。引我應云。作靈臺。緩優假紂。此云五年。當從文王七年。鄭至武王十一年伐紂也。鄭注見詩皇矣疏。文王八年詩武疏。引鄭注。作文王受命八年。云夏之言假。鄭用大傳義。是鄭本作夏也。自八年數至十三年。是匝五年。鄭用十三年伐紂之說。與史記十一年異也。

誕作

民主罔可念聽。天惟求爾多方。大動以威。開厥顧天。惟爾多方。罔堪顧之。惟我

周王靈承于旅。克堪用德。惟典神天。**注** 鄭康成曰。顧由視念也。其意言天下災異之威。動

天下之心。開其能爲天以視念者。衆國無堪爲之。惟我周能堪之。**疏** 典同敷。說文云。敷主也。言天須假紂而紂大爲民主。無可爲天念聽者。天惟求汝衆

國大勳明威以啓其爲天顧念者衆國無堪之者惟我周王善受衆氏能勝用德以主神天之祀鄭注見詩譜序疏以勳威爲災異者金縢云今天動威謂天大雷電以風大木斯拔禾盡偃也墨子非攻篇云還至商王紂天不序其德祀用失時兼夜中十日雨土于亳九鼎遷止婦妖宵出有鬼宵吟有女爲男天雨肉棘生乎國道此紂時災異之見於傳記者

天惟式教我用休簡畀殷命尹爾多方

式者釋言云用也簡者釋

語云大也尹者說文云治也言天惟用教我以休祥大付殷命治汝多方也

今我曷敢多誥我惟大降爾四國民命爾曷不忱裕之

于爾多方爾曷不夾介乂我周王享天之命

爾曷一作害不一作弗

忱者詩傳云信也裕者方言云道也夾者

廣雅釋詁云近也介者釋詁云善也乂與芝通釋詁云相也言今我何敢多誥我惟大下汝四方民之教令汝何不以誠道之于衆國汝何不近善相我周王共享天命曷作害不作弗見匡謬正俗引書文段氏玉裁云王莽依大語多作害是今文皆作害也今

爾尙宅爾宅畋爾田爾曷不惠王熙天之命

畋一作田

畋者說文云平田也惠者釋言云順也熙者周語晉叔向云廣也言

今爾猶居爾居治爾田爾何不順王廣天之命乎

爾乃迪屢不靜爾心未愛爾乃不大宅天命爾乃屑播天命爾

乃自作不典圖忱於正

迪者釋詁云作也屢俗字當爲婁釋言云亟也詩箋云數也亟即數也康誥云今惟民不靜未戾厥心愛者說文云惠惠也釋言云惠順也宅當讀爲度屑者方言云猶也典

者釋詁云典法常也忱誠見上疏正者釋詁云長也迪屢猶言屢迪汝數作不靜汝心無愛順之意乃不大圖度天命乃以狡獪播散天命乃自爲不法謀取信於正長我惟時其教告之我惟時其

戰要囚之至于再至于三乃有不用我降爾命我乃其大罰殛之

殛一作極

非我有周秉德不康寧乃惟爾自速辜

要四見康誥疏要者爲其罪法之要辭也。馘者釋言云誅也。速者鄭注鄉飲酒禮云召也言我惟是教告汝我惟是其俘

囚汝至於再三有不用我所下之命我其大罰誅汝非我周泰德不安靜乃惟汝自召罪也。馘釋文云本又作極春秋左氏昭七年傳云昔堯殛鯀於羽山釋文云極本又作極詩苑柳諫引釋言作極誅是殛字古多作極

王曰嗚呼猷

告爾有方多士暨殷多士今爾奔走臣我監五祀越惟有胥伯小大多正

傳說古者十稅一多於十稅一謂之大桀小桀少于十稅一謂之大貊小貊王者十一而稅而頌聲作

矣故書曰越維有胥賦小大多政

猷與縣同釋言云道也猷告猶言告道監謂三監五祀五年也釋天云商曰祀周曰年告殷民故得祀江氏聲云武王命三叔監殷殷民皆臣服於茲十年矣言五祀者

本其未叛時言也鄭注大射禮云胥宰官之胥伯者州伯內則云州史獻諸州伯伯命職諸州府詩伯兮疏云彼州伯對閭史闔府亦謂州里之伯是伯爲州里之伯也鄭注周禮地官序官云正師皆皆長也越惟有胥伯小大多正言于惟有宰官之吏及州伯小大多正長俱謂監已下官長言告道汝有方多士與殷多士今計汝奔走臣服我三監暨歷五祀于惟有史胥州伯小大多正長汝無不能奉法也大桀惟作維伯作賦正作政者今文也胥者周禮天官敘官云胥十有二人徒百有二十人注云此民給縣役者是給縣役者有胥名賦者周禮大司馬云凡令賦以地與民制之上地食者三之二其民可用者家三人中地食者半其民可用者二家五人下地食者三之一其民可用者家二人是縣役亦賦也故漢書景帝紀詔曰省縣賦後漢書第五倫傳云倫後爲鄉齋夫平縣賦皆縣賦連言卽此胥賦也今文言於惟有縣賦之事小大多得中之政令也云什一而稅者公羊宣十五年傳云古者什一而稅籍古者爲什一而籍什一者天下之中正也多乎什一大桀小桀寬平什一大貊小貊什一者天下之中正也什一行而頌聲作矣與大傳說同

爾罔不克臬

臬者廣雅釋詁云法也言汝無不能奉法謂奉正長供縣賦也馬作臬見釋文臬亦臬之借字

自作不和爾惟和哉

爾室不睦。爾惟和哉。爾邑克明。爾惟克勤。乃事爾。尚不忌于凶德。尚一作上忌。

一作基。

疏 睦者說文云敬和也。明與孟聲相近。釋詁云勉也。尚與上通。言汝自作不和。今惟和哉。汝室有不和者。亦惟和之。汝邑

爾尚。按玉篇廣韻集韻引說文。皆止作上字。上

中有能勉者。汝惟能勤。勤乃事。則汝長上不思嫉汝昔時之惡行矣。說文云。馨。忌也。周書曰。上不殄於凶德。今本上作

與尚雖通。當從古文。說文忌作馨。孔壁古文也。亦則以穆穆在乃位。克閱於乃邑。謀介爾乃自時。

洛邑。尚永力畋爾田。天惟畀矜爾。我有周惟其大介賚爾。迪簡在王廷。尚爾事。

有服在大僚。**疏** 穆穆者。釋詁云敬也。閱與說通。詩傳云服也。釋詁云介善也。畀養予也。迪進也。東擇也。服事也。察官也。簡

用力治汝田。天惟予汝矜汝。我周惟其大善錫予。

與東通僚。即察俗字。言上既不汝忌。汝亦則以敬在位。能服於乃邑。謀善汝從遷之洛邑。汝庶幾能永遠

汝。進擇汝在王之廷。加汝所事。有事在大官也。王曰。嗚呼。多士。爾不克勸忱我命。爾亦則惟不

克享。凡民惟曰不享。**疏** 言汝不能勸勉信我之教令。汝亦惟不能享天命。汝之民亦不能享天命也。江氏聲說以曲

禮云。五官致貢曰享。注云。貢功也。享獻也。致其歲終之功于王。謂之獻。故云致功曰享。則謂

汝不共王事。凡民亦效汝不共也。爾乃惟逸。惟頗。大遠王命。則惟爾多方探天之威。我則致天之罰。

離逖爾土。**疏** 鄭康成曰。分離奪汝土也。

疏 逸者。漢書注臣瓚云。放也。頗者。廣雅釋詁云。愛也。釋詁云。探取也。遠。遠也。逖。同。湯言汝乃惟放蕩。頗邪。大不近王命。則惟汝多方取天威罰我

則致天討。離遠汝土。謂放流之。鄭注見書疏。言分離奪汝土者。論語云。季伯氏駢邑三百。既放而離逖之。則故土非其所有也。

王曰。我不惟多誥。我惟祇告爾命。又曰。

時惟爾初不克敬於和則無我怨

疏

釋詁云祇敬也。初始也。言我不徒多語。我惟敬告汝。以天命又言是惟始不能敬和。故令遷居則無怨我也。

卷二十四

立政第二十四 周書十五

注

史遷說周之官政未次序。於是周公作周官。官別其宜。作立政以便百姓。百姓說

疏

史公說見魯世家。云以便百姓者。便

猶辨也。百姓。百官也。見堯典疏。

周公若曰。拜手稽首。告嗣天子王矣

疏

史記周本紀云。周公行改七年。成王長。周公反政成王。北面就羣臣之位。魯世家云。成王長能聽政。於是周公乃還政於成王。成王

臨朝。又云北面就臣位。躬躬如長。然是說此經拜手稽首之義也。

用威戒于王曰。王左右常伯。常伯一作敗。常任。準人。準一

作辟。綴衣。虎賁

疏

威者。釋詁云。皆也。史說言周公就羣臣之位。故與羣臣皆告戒於王。常伯者。文選籍田賦注引應劭漢官儀云。侍中。周成王常伯。任侍中。殿下稱制。則常伯於漢爲侍中。百官表。侍中。中常侍。皆加官。無員多

至數十人。得入禁中。注應劭曰。入侍天子。故曰侍中。古文苑載胡廣侍中箴云。亦惟先正。克慎左右。常伯常任。實爲政首。據此則常任亦爲侍中之職。準人。江氏聲云。卽下文文武時之準夫。所謂宅乃準也。準者。說文云。平也。从水。又云。法。平也。平之如水。莊子內篇人間

世云平者水停之盛也。其可以爲法也。準字。熹平石經作辟。辟亦法也。下文言勿誤于庶獄。又稱司寇蘇公。則準人卽主治獄之官也。綴衣不見於周官。顧命云。狄設黼服綴衣。則綴衣是主衣服之官。楊雄雅州牧。班固西都賦。崔瑗北軍中候。皆作綴衣。疑以綴衣名官。是侍帷幄之臣。後漢百官志。內者令一人。六百石。水注曰。掌中布張諸衣物。疑卽此官。皆近臣也。虎賁者。周禮夏官之屬。虎賁氏。下大夫二人。舍則守王闕。王在國則守王宮。亦近臣。僞傳以常伯常任爲常所長。事常所委任。謂三公六卿。非也。伯說文作故。云追也。引周書曰。常敗常任。此孔壁古文。注之訓。蓋字詁。非經義也。王氏鳴盛以追爲追近之義。或然。準。熹平石經作辟。下闕。蓋作辟人。謂法官也。周公曰。嗚呼休茲。知恤鮮哉。疏。釋詁云。恤。憂也。鮮。罕也。言美也。此近臣知憂者少也。古之人。迪惟有夏。乃有室大競。籲俊尊上帝。迪知忱恂于九德之

行。

迪者。釋詁云。道也。有室。猶云有家。謂卿大夫也。競者。釋言云。疆也。詩烈文云。無競惟人。傳云。競。疆。箋云。人君爲政。無疆于得。賢人者。巖者。說文云。呼也。俊者。釋言云。髦也。忱者。詩傳云。誠也。恂者。釋詁云。信也。九德。皋陶謨云。亦行有九德。言古之人有

道者。惟夏王時。其巨室多賢。其君招呼賢俊。以尊事上帝。以道知人。誠信於九德之行。畢氏以田云。二迪字。當訓爲通。迪卽由字。由遠也。亦語詞。釋詁通由皆訓自。迪惟有夏。猶云。遠惟有夏也。下迪知同。乃敢告厥后曰。拜

手稽首后矣。曰宅乃事。宅乃牧。鄭康成曰。殷之州牧曰伯虞。夏及周曰牧。宅乃準。茲

惟后矣。謀面用丕訓德。疏。謀面。一作亂謀面。則乃宅人。茲乃三宅。無義民。疏。宅者。釋

言云。居

也。亦與度通。事謂三事大夫。詩十月之交。擇三有事。傳云。有事。國之三卿。謀面者。周書官人解。有考言觀色。訓與順通。丕。大也。義民。王氏念孫云。邪民。說文。俄行頃也。廣雅。釋詁云。俄。褻也。學記。蛾子時術之。卽蟻子也。古字。俄義同。聲言既誠信所知之人。有九德之行。乃致拜手稽首。以告其君曰。居乃職事之人。居乃作牧之人。居乃平法之人。茲乃在我后矣。察其言。觀其色。用大順德之人。乃以官居人。此乃職事作牧平法之人。皆無邪民矣。鄭注見書疏。云殷之州牧曰伯虞。夏及周曰牧者。曲禮云。九州之長曰牧。王制云。千里之外設

方伯八州八伯自虎通封公侯篇云州伯何謂也伯長也唐虞謂之牧者曰尙質使大夫往來牧諸侯是也謀面慕平石經作亂謀面言臣治其謀敵君面用大訓德也

桀德惟乃弗作往任是惟暴

德罔後

任者章昭注周語云職也暴者說文云疾也罔無也桀之爲德惟乃弗爲往昔先王任人之道是惟暴虐爲德不顧其後

亦越成湯陟丕釐上帝之耿命

乃用三有宅克卽宅曰三有俊克卽俊嚴惟丕式克用三宅三俊其在商邑用

協於厥邑其在四方用丕式見德

越同粵釋詁云于也不語詞陟同勅秦陶諱勅天之命史記作陟蓋者詩箋云理也耿者說文引杜林說光也三宅江氏聲云事牧準也

卽者詩傳云就也三俊卽三英詩燕箋云三英榮兮傳云三英之德也箋云三德剛克柔克正直也式者釋言云用也協者釋詁云和也言亦于成湯能勅理天之光命乃用事牧準三宅之官能就其所居之位言稱職舉三德之後能就其後德言不失實惟嚴以用人能用三宅三俊其在京邑以和於其邑其在四方以能用人見其德

嗚呼其在受德

馬融曰受德受所爲德也啓一作恣

受德者周書克殷解云殷末孫受德孔晁注云紂字受德呂氏春秋當務篇云紂之同母三人長曰微子啓其次曰中衍其次曰受德受德乃紂也啓者釋詁云強也馬注見釋文以受德爲受所爲德者西伯戡黎序云奔告於受是紂亦單稱受上文言桀德則此受德亦可言受之德也說文作恣云禍也周書

惟羞刑暴德之人同于厥邦乃惟庶習逸德之人同于厥政

羞者釋詁云進也暴者說文云疾也庶者釋詁云衆也習者釋詁云狎習也習亦爲狎洩者漢書章賢傳注臣讀曰放也言惟進用刑殺暴虐爲德之人與之治國乃惟衆狎習放蕩之人與之謀政也

帝欽罰之乃伴我

有夏式商受命奄旬萬姓

欽與陟通釋詁云與也伴與狎同釋詁云使也夏者說文云中國之人也式者釋言云用也奄者說文云大有餘也旬者詩傳云治也言天與罰紂罪乃使我有中

國之人用受商之
大命大治萬民

亦越文王武王克知三有宅心灼見三有俊心注灼一作焯俊一作會

以敬事上帝立民長伯疏

灼者廣雅釋訓云灼灼明也伯者釋詁云長也言亦至於文王武王能知事敗準人之心明見三德俊士之心以敬事上天立明長上灼說文作燿云明也引周書燿見三有

俊心俊熹平石經作會。今文與古文異也。釋詁云。會合也。言明見三宅之合於心者始用之。

立政。任人。準夫。牧作三事。虎賁綴衣。趣馬。小尹。左

右攜僕百司庶府大都小伯藝人表臣百司大史尹伯庶常吉士司徒司馬司

空亞旅

立政任人言文武立政以任人也準夫牧作三事卽上文宅乃事宅乃牧宅乃準之倒文三事見詩十月之交云三事大夫箋云三公此似總下衆官大小言之也虎賁纓衣見前疏孟子盡心篇趙汙引書云虎賁贊衣趣馬小尹趣

馬見詩雲漢傳云歲凶年穀不登則趣馬不秣江氏聲云虋實趣馬于周禮爲校人屬馬一十二匹立趣馬一人掌贊正良馬而齊其飲食小尹卽圉師之類趣馬卽下士馬一匹有圉師一人也左右攜僕蓋若周禮太僕射人也鄭注周禮射人云射人與僕人俱掌王之朝位也檀弓曰扶君卜人師扶左注云卜常爲僕聲之誤也僕人射人皆平生時贊正君服位者然則此文左右攜僕正當彼二官之職也王氏鳴盛云左右攜持器物之僕謂寺人內小臣等也百司庶府江氏云若曲禮云天子之六府曰司土司木司水司草司器司貨是也周禮則官名官司者尤多府則有太府玉府內府外府泉府天府之屬言百言庶皆凡括諸官之詞也王氏云百官有司之下主券契府藏之吏謂其下賤人非百官有司之身也江氏又云百司兩見者蓋內外臣之別與表臣百司表之謂外是外百司也大都小伯者大都邑之小長謂公卿都邑之內大夫及邑宰之屬以身有道藝故云藝人太史者周禮太史下大夫二人掌建邦之六典所掌事重故特言其官名尹伯長官大夫周禮每官皆有長若太史爲史官之長大司樂爲樂官之長如此類皆是也庶常吉士王氏云衆掌常事之善士蓋士爲長官者其大夫及士不爲長官者則前云百司也司徒司馬司空則周禮六卿之三也曲禮云天子之五官曰司徒司馬司空司士司寇鄭注以爲殷制然則殷紂時天子五官文武時爲諸侯降于天子故三官亞旅者亞次也

謂其副貳官名。異於周禮者。蓋稱名之異。非設官之名。如月令之有太尉大司馬。書之舜爲太尉。不必虞周有此官名也。

夷微盧烝三毫阪尹

鄭康成曰三毫者湯

舊都之民服文王者分爲三邑其長居險故云阪尹蓋東成皋南轅轅西降谷也疏

烝者釋詁云君也微見牧誓書疏云此

舉夷微盧以見彭濮等諸夷也鄭注見書疏三毫者見詩元鳥疏云湯舊都之民服文王者分爲三邑者毫爲湯都以其時商紂暴虐而服于文王以言三毫故知分爲三邑也云其長居險故曰阪尹者阪是山陵之名尹是正長之稱既分毫爲三邑自必各爲立長其長稱阪尹以居峻險處也云東成皋南轅轅西降谷者地理志云成皋故虎牢或曰制春秋左氏昭元年傳云制嚴邑也則成皋險矣國策張儀曰秦轅轅氏之口轅轅亦險水經穀水注云草澗水出新安縣東南流經母邱與盛墓東又南經函谷關西關高險陝路出虜邦漢元鼎三年樓船將軍楊僕數有大功踰居關外請以家童七百人築塞徙關於新安卽此處也然則新安之函谷亦險函降聲相近鄭氏所言降谷必是此也江氏聲云鄭氏以毫邑北臨大河故於其東西南三面推求而以成皋轅轅降谷當三毫阪險之處蓋者以無明文左證故也皇甫謐說三毫以蒙爲北毫穀熟爲南毫偃師爲西毫不可信也

文王惟克厥宅心

一無克字宅作度

乃克立茲常事

司牧人以克俊有德文王罔攸兼于庶言疏

常事司牧人最括上文之官任人以下至亞旅也以者說文云用也言文王惟能內度其心乃能立此常事司牧人

以能得俊有德者文王無所兼聽衆言言謂毀譽之言也漢書李布傳布曰陛下以一人譽召臣一人毀去臣臣恐天下有識者聞之有以窺陛下是庶言之不可兼聽也惟克厥宅心蓋平石經作維厥度宅宅與度經通用詩皇矣云帝度其心傳云心能制義曰度

庶獄庶慎惟有司之牧夫是訓用違庶獄庶慎文王罔敢知于茲疏

訓與順通庶獄庶慎言諸獄事

衆當慎之惟貴成於有司及牧民之人是順是違凡諸獄事由衆慎之文王無敢與知于此法者天下之平君欲知之必有承望意旨以爲輕重者康誥云勿庸以卽汝封又云未其有若汝封之心亦文王不敢與知之義也庶獄庶慎爲傳以爲衆刑獄衆所當慎之事